

Sibthorp, John ; Smith, James Edward [Editor]: Flora Graeca, sive plantarum rariorum historia, quas in provinciis aut insulis Graecis legit, investigavit et depingi curavit John Sibthorp: hic illic etiam insertae sunt pauculae species quas vir idem clarissimus, Graeciam versus navigans, in itinere, praesertim apud Italiam et Siciliam, invenit (Voluminis primi - Fasciculus primus): Vol. I.

London, 1806

Seite 77

DIANDRIA MONOGYNIA.

17

TABULA 22.

SALVIA SIBTHORPII.

SALVIA foliis cordatis lobatis crenatis rugosis scabris, caule subaphyllo ramoso, staminum appendiculis dilatatis.

In Peloponneso, et in insulâ Zacyntho. In itinere Parnassum versûs primò invenit clarissimus Sibthorp. *D. Ferd. Bauer. 2.*

*Radix* lignosa, ramosa, nigra, perennis. *Caulis* e basi ramosus, pedalis, erectus, tetragonus, pilosus, parùm foliosus, multiflorus. *Folia* omnia ferè radicalia, petiolata, latè cordata, obtusiuscula, rugosa, venosa, utrinque scabra, suprâ ad venas majores colore atro-sanguineo picta, margine lobata et inæqualitèr crenata. *Verticilli* numerosissimi, parùm distantes, sexflori. *Bracteae* cordatae, acutae, integerrimae, calyce breviores. *Flores* dilutè violacei, parvi, vix floribus *Salviae verbenacae* majores. *Pedunculi* bracteis triplò breviores, hirti. *Calyx* campanulato-tubulosus, hians, bilabiatus: labio superiore tridentato, fastigiato; inferiore bifido, porrecto. *Corolla* calyce duplò longior: tubo cylindraceo, rectiusculo: labio superiore fornicato, villosa, integro; inferiore trilobo, laciniis lateralibus adscendentibus, intermediâ reniformi, concavâ. *Stamina* appendiculis dilatatis, complanatis, obtusis, maximè notabilia. *Stylus* incurvus, corollâ longior.

A *Salviâ hæmatode* discrepat radice non tuberosâ, foliis scabrioribus, floribus longè minoribus.

Hanc speciem, quæ mihi omninò nova visa est, nomine inventoris condecoravi.

a. Calyx.

d. Calyx fructûs.

b, c. Corolla cum staminibus et stylo in situ naturali.

e. Semen.

C. Stamen triplò auctum.

TABULA 23.

SALVIA MULTIFIDA.

SALVIA foliis cordatis multifidis incisissimis glabris, caule folioso simpliciter, staminum appendiculis retusis.

Horminum sylvestre inciso folio, cæsius flore, italicum. *Barrel. Ic. t. 220.*

In pascuis circa Byzantium. *D. Ferd. Bauer. 2.*

*Radix* lignosa, perennis, multiceps. *Caules* vix spithamæi, adscendentes, simplicissimi, foliosi, tetragoni, hirti, viscidii. *Folia* cordato-oblonga, sinuato-multifida, inæqualitèr incisa ac dentata, venosa, subrugosa, glabra, vel margine tantùm scabriuscula; radicalia longiùs petiolata, petiolis scabris; caulina superiora ferè sessilia. *Verti-*

VOL. I.

F